

Quare pulchre alibi idem Angelicus cum Aristotele veritatem primorum principiorum cum *janua*, et veritatem conclusionum ex illis derivatarum cum *interioribus* domus penetralibus comparavit. *Interiora enim domus*, inquit, *dificile est scire, et circa ea facile est hominem decipi; sed, sicut circa ipsum introitum domus, qui omnibus patet, et primo occurrit, nullus decipitur; ita etiam est in consideratione veritatis.* Nam ea, per quæ intratur in cognitionem aliorum nota sunt omnibus, et nullus circa ea decipitur. Hujusmodi autem sunt prima principia naturaliter nota, ut *Non esse simul affirmare et negare*, et quod *Omne totum est majus sua parte, et similia. Circa conclusions vero, ad quas per hujusmodi quasi per januam intratur, contingit multoties errare* (1).

113. PROPOSITIO 5.^a De Veritate conscientiae ambiguntur.

1.^o Nam ipso dubio affirmatur. Vide licet qui dubitat de conscientiae veracitate, is vel scit se dubitare vel non. Si nescit, stulte ac mendaciter id affirmat; si autem scit, undenam scit, nisi ex ipso testimonio conscientiae? Huic ergo fidem habet eo ipso, quod de ejus veracitate dubitat.

2.^o Eatentu decipi conscientia posset, quatenus vel referret aliquam affectionem, quæ revera non adasset in proprio subiecto, vel eam alter referret, quam in eo reperiretur. At neutrum horum stare potest.

Primum quidem, quia contradictionem implicat. Conscientia enim aliquid refert, ut quevis alia facultas cognoscitiva. Proprium autem ejus est referre interna phænomena, quæ nos afficiunt, prout actu nobis praesentia. Ergo impossibile prorsus est, ut conscientia referat affectionem, quam reapse non experimur; sicut impossibile est, ut non coram adsit objectum, quod oculi referant.

Sed neque etiam alterum fieri potest. Nam alteratio illa et infidelis relatio affectionis alicujus undenam, quæso, procedere posset in conscientia? An ex essentiali ejus inhabilitate ad interna facta notificanda? At id dici nequit sine injurya Creatoris. An ex perturbatione medi? Atqui nullum hic in-

(1) Lib. 2, *Metaph.*, lect. 1, paragr. d.

tercedit medium, cum facultas cognoscens et objectum cognitum intime sibi praesentia conjunctaque sint. An ex accidentali aliqua alteratione vel indispositione facultatis ipsius? Verum conscientia facultas spiritualis est ac simplicissima, quæ alterationem in sua physica entitate non patitur. An denique ex virtute deceptione aliarum potentiarum cognoscitivarum, quarum actus, ut nobis praesentes et ut modificationes proprii subiecti testatur conscientia? Sed neque ex hac parte timenda est falsitas. Nam ad conscientiam minime spectat referre valorem objectivum actuum cognoscitivorum aliarum potentiarum, sed solam *præsentiam testari talium actuum*, quos hic et nunc intra nos habemus. Jam vero, sive illi actus vere ac fideliter objecta sua representent, sive non; verum est, quod a nobis hic et nunc eliciantur, et sint intra nos. Ergo conscientia, quæ solum debet referre presentiam ejusmodi actuum, minime decipitur, ex eo quod illi actus falsi sint, ac perperam representent sua objecta ex deceptione nimisrum facultatum, a quibus eliciti sunt. Sicut non est mendax, aut haereticus ille, qui mere historice narrat haereses vel mendacia ab altero prolata (1).

Et hac causa est, cur quemadmodum communiter solet notari, in conscientia objectum reale et apparensem in unum confundatur; quia cum proprium ejus sit experiri ac testari cognitiones subjective spectatas, non debet judicare, num res aliqua ita in se sit, sed quomodo hic et nunc appareat mihi, vel reuceat in cognitione quam habeo. Sic v. g. ægrotus ex indispositione oculorum omnia videns flavo colore perfusa, falleretur si talia esse illa in seipsis judicaret; non autem falleretur, si falsa sibi apparere hic et nunc assereret (2); quod unicue spectat ad conscientiam.

Hæc, ut vides, dicenda sunt de actu conscientiae in se spectato, cuius tenuerit veracitatem. Neque vero cum his pugnat, quod circa naturam affectionum internorumque phænomenorum, quæ conscientia fidelissime testatur, ratio possit falli, perperam eadem interpretans. Quæ causa est, cur de

In conscientia
objectum
reale et
apparensem con-
funditur.

Circa naturam
et proprietates
actuum,
quæ conscientia
refert, falli
ratio potest.

(1) Vide Angelicum Doctorem, 1 p. q. 17, a. 2 ad 1.^{um}; et de *Veritate*, quest. 1, a. 11.

(2) Cfr. Jacob. Balmes, *Filosof. fundam.*, lib. 1, cap. 15, n. 148.

natura et proprietatibus ejusdem interni facti, quod omnes æque intra se experintur ope conscientiae, diverse interdum existant hominum opiniones ac judicia. Et ideo etiam ex Angelici doctrina, *quamvis scientia de Anima est certissima, quod unusquisque experitur se animam babere, et actus animæ sibi esse; sed cognoscere, quid sit anima, difficilissimum est* (1).

114. PROPOSITIO 6.^a Quamquam ratio humana sæpe fallatur, falli tamen omnino nequit, si veras assumat præmissas, rectasque servet argumentandi formas in Dialectica tradi solitas.

Prima pars. Constat experientia. Et suadetur etiam, quia multa occurunt passim errorum pericula rationi, partim ex erroribus aliarum facultatum, quarum actus procedere ratiocinis actum necesse est, partim ex eo, quod ipsa non semper satis vigilet, ut discursus suos exigat ad normam recte ratiocinandi. Unde pronum est, ut sæpi in plures impingat errores.

Secunda pars. Etiam per se patet. Nam actus proprii rationis est discursus; error vero in discursu irreperi nequit, nisi vel ex parte materiæ, nimurum præmissarum, vel ex parte formæ argumentandi, vel denique ex innato vitio ejusdem facultatis. Cum ergo ultimum admitti nequeat ex dictis in prima propositione, reliquum est, ut si vera sint præmissæ ad concludendum assumptæ, formaque legitima secundum ea, quæ declarata et probata manent in Dialectica, decipi nullo modo queat ratio in suis deductionibus (2).

ARTICULUS III.

Solvuntur difficultates.

§ 1.—CONTRA VERACITATEM NATURALEM FACULTATUM COGNOSCITIVARUM GENERATIM.

115. Objic. 1.^a Allata in præcedenti articulo explications non solum non sunt veri nominis demonstrationes, ut nos ipsi concessimus, sed neque etiam quidpiam valent ad

(1) S. Thom., *de Verit.*, q. 10, a. 8, ad 8.^m, *corum quæ in contrariorum*. Cfr. lib. 1, *de Anim.*, lect. i initio et paragr. d.

(2) Vide S. Thom., *de Verit.*, q. 1, a. 12 fin.

certitudinem philosophicam assequendam de facultatum nostrarum veracitate.

Nam in tantum valere possent, in quantum ratiocinia, ad rem declarandam instituta, vera sint, et vera esse nobis constet. Atqui vera esse illa ratiocinia constare nobis nequit, nisi supponendo id ipsum, quod cognoscere et explicare intendimus, nimurum veracitatem facultatum; vera quippe ratiocinia institui non possunt sine veracibus facultatibus. Ergo allata ratiocinia nullius quietare animum possunt, quandoquidem supponunt illud ipsum, ad quod explicandum, instituuntur.

Resp. neg. assert. Ad probat. conc. Major., dist. Minor. Id constare nobis nequit, nisi supponendo *re ipsa* veracitatem facultatum, nimurum nisi revera facultates *sint* veraces, conc.; nisi supponendo *in mente nostra* veracitatem earumdem, nimurum supponendo, quod alio prævio actu, cognitam habemus hujusmodi veracitatem, nego.

Minoris probation. pariter distinguo: vera ratiocinia institui nequeant sine veracibus facultatibus, id est, nisi *sint* veraces facultates, conc., nisi cognoscatur prius eas esse veraces, neg.

Tum neg. conseq.

Itaque aliud est facultates esse veraces, et aliud est earum veracitatem cognoscere. Ac certe ratiocinia explicationsque nihil valent, nisi facultates, per quas fiunt, *sint* veraces; non autem opus est, ut id cognoscatur ante illas explications, sed potius vi illarum cognoscitur; quia veracitas facultatum ad veracia ratiocinia ponenda concurrit *effective*, non *objective* (1).

Tum simili modo dist. conseq.

Objic. 2.^a Si facultates nostre circa circa propria earumdem objecta falli nequeant, infallibilis dicendæ sunt. Atqui infallibilitas est propria solius Dei.

Resp. dist. Major.: infallibilis dicendæ sunt infallibilitate participata et limitata, conc., imparticipata et illimitata, quæ ad omnia objecta cognoscibilia se extendat, neg.

Et *contradistincta* Minori, neg. conseq.

Nam, præcise quia facultates nostræ cognoscitive imaginem, utcumque deficientem, referunt divine mentis, aliquam ab ipso Deo sibi communicatam infallibilitatem habeant

(1) Cfr. cl. Sanctus Schifini, *Principia philosophica*, 282.

necessa est, restrictam tamen ad objecta cuique proportionata. Itaque adhuc in immensum distant a perfectione infinita atque omnisci intellectus Dei.

Instabis 1.^o Quod semper et essentialiter fallibile est, in omnibus falli potest. Atqui facultates nostræ semper et essentialiter sunt fallibilis. Ergo...

Resp. dist. Major. Quod semper et essentialiter est fallibile respectu quorūcumque objectorum, *conc.*; quod semper et essentialiter est fallibile respectu quorūdam dumtaxis objectorum, *neg.*

Et contradist. Minor., neg. conseq.

Nimirum semper et ubique et ex propria sua conditione retinent facultates nostræ naturam illam, per accidens et respectu objectorum non propriorum sibi proportionatorum, fallibilem: unde timendum non est, ne in omnibus fallantur, sed solum in iis, in quibus fallibilis sunt.

Instabis 2.^o Causa, cur facultates nostræ decipiuntur, est quia finite sunt, si enim forent infinitæ, falli nunquam possent. Atqui semper et in omnibus finitæ sunt. Ergo semper et in omnibus falli possunt.

Resp. dist. Major. Causa remota et inadæquata, *conc.*; proxima et completa, *neg.*

Et concessa Minori, neg. conseq.

Licet enim verum sit infinitatem solam sufficere ad expellendam omnem errandi possibilitatem, at vicissim verum non est, solam finitudinem facultatis satis esse ad hoc; ut illico fallatur in omnibus. Nam quantumvis sit limitata potentia cognoscitiva, non desunt objecta capacitatem illius non excedentia: in quibus proinde nullus esse potest locus deceptionis.

Objic. 3.^a Facultates appetitivæ in homine proclives sunt natura sua in malum. Ergo simil modo nihil vetat facultates cognoscitivas, natura sua in falsum inclinari. Nam sicut se habet appetitus ad bonum, ita se habet cognitio ad verum.

Resp. neg. ant. et consequ.; et probationem dist. Id est, appetitus objectum est bonum, et cognitionis verum, *conc.*, eodem modo respicit appetitus bonum, atque cognitio verum, *neg.* Nam nulla facultas natura sua tendere absolute in malum potest, sed solummodo in bonum. Ideo tamen sepe dicitur

appetitum hominis in malum esse propensum, quia duplex est in ejus natura pars, altera corporea et animalis, spiritualis et rationalis altera. Et quoniam suus cuique parti competit appetitus, suaque respondent bona, fieri saepè potest, ut quod bonum est ac conveniens parti animali, conveniens ac bonum non sit parti rationali, quæ principialis est et propria hominis, quatenus homo est. Et ideo, dum pars animalis appetit, quæ contra rationem sunt, licet sibi præcise spectata convenientia, dicitur simpliciter tendere in malum, quia tendit in id, quod non dece thominem, utpote qui rationalitate præcipue constituitur. Quare tendentia sensitivi appetitus in bonum sensibile, ita scorsim considerata, non importat vitium naturale per se.

Inde tamen non sequitur cognoscitivas facultates ullo modo tendere in falsum. Et ratio est, quia diversimode se habet ratio boni respectu appetitus, et ratio veri respectu cognitionis. Bonum enim constituitur per hoc, quod aliquid sit *conveniens* subiecto: quare nihil repugnat, ut una eademque res pro varia potentiarum natura, bona sit uni, quia conveniens, malaque alteri, quia non conveniens; et sic homo per appetitum animaliem querit sepe id, quod malum est parti rationali, et per appetitum rationale id, quod malum est animali. At ratio veri in cognitionibus desumitur ex earundem conformitate cum objecto, seu ex eo quod illud, prout est in se, repräsentet; ratio vero falsi ex disformitate cum objecto. Quare tendentia naturalis in falsum concipi aliter nequit in cognoscitiva facultate, nisi quia vel inepta est natura sua ad objecta, prout in se sunt, repräsentanda, vel etiam ad eadem perperam referenda et corrumpta ex nativa sua conditione propendet. Atqui utrumque absurdissimum est.

§ II.—CONTRA VERACITATEM SENSUUM EXTERNORUM.

:16. **Objic. 1.^o** Cognitiones, quæ relationi sensum initiantur, falsas esse passim ostendunt scientiæ naturales, Astronomia, Physica etc.

Itemque innumeræ esse sensuum illusiones quotidiana cuvis experientia demonstrat. Ergo nulla est sensibus fides adhibenda.

Resp. distinguo antec. Cognitiones, quæ relationi sensuum innituntur circa sensibilia communia et per accidens, *trans.*; circa sensibilia propria, *subdist.*; scientiæ naturales ostendunt falsas esse hujusmodi cognitiones per accidens, quia nimur recte perceptioni obstabat impedimentum aliquod sive ex parte organi sive ex parte medii, *conc.*, per se *neg.*

Et ad alterum eadem esto responsio.

Objic. 2.^o Sensus referunt inesse corporibus calorem, saporem, odorem cæterasque qualitates sensibiles. Atqui ha-revera non sunt in corporibus, sed in ipso sentiente, nam quidquid ad sensationem spectat, in sentiente est. Ergo sensus aliter objecta referunt, ac sint in seipsis, ideoque falluntur.

Resp. dist. Major. Sensus referunt inesse corporibus calorem, saporem, odorem etc. id est sensationem seu perceptio-nem caloris, saporis etc. *neg.*, qualitates ipsas caloris, saporis etc. que sunt terminus perceptionum sensibilium, *conc.*

Et *contradist.* Min., *neg.* conseq., ejusque probationem, *distinguo*; quidquid spectat ad sensationem *subjective* consideratam, *trans.*, objective seu terminative consideratam, *neg.*

Nam terminum et objectum sensationum nostrarum non esse aliiquid reale extra nos positum, ille solus negaverit, qui mundi hujus corporei veritatem atque existentiam inficiat, purum putum idealismum amplectatur. Itaque, nisi velimus cum idealistis contra sensum communem omnium sa-namque rationem, dicere sensationes esse totidem illusiones mentis nostræ, quibus nihil extra respondet, fatendum est qualitates sensibiles esse realiter in ipsis corporibus.

Nota autem realitatem qualitatum sensibilium, quæ in ipsis corporibus existant, apprehendanturque a sensibus, posse bifariam propugnari; prima quatenus ita sint in seipsis, prout nobis apparent, ac reluent in ipso actu sensationis; secundo quatenus, licet non sit formaliter seu eo modo quo nobis apparent, sint tamen *causaliter* et *effective*, quia sunt aliiquid reale, quod in sensibus nostris excite impressions illas, quas vocamus sensationes. Primum tenent Scholastici; alterum Atomistæ ac Pyhsici complures, docentes qualitates sensibiles reapse non esse nisi motus varios atomorum ac molecularium, quibus corpora coalescent, quamvis nobis non appearant tamquam motus. Scilicet colores, inquiunt, non

sunt nisi certus quidam motus corporearum particularum, qui ad organum visionis transmissus determinat in potentia visiva modificationem atque affectionem illam, quam dicimus sensationem seu visionem coloris; itemque sapores, soni etc.

Harum durarum explicationum prima omnino videtur te-nenda, quamvis eam nunc supponimus solummodo, nec tueri pro dignitate possumus, sed ad Cosmologiam reservamus. Altera enim nec potest satis idealismum vitare, nec declarare, quomodo sensations sint imagines ac representationes corporum corporearumque qualitatum. Si enim id, quod nobis appetit tamquam toto cælo diversum a motu, revera non est, nisi purus putus motus, dicet Idealista, id quod tamquam motus manifestatur, forte non esse motum, et id quod tamquam corpus certæ cujusdam naturæ objicitur obtutui nostro, forte non esse corpus. Quo autem jure ne-gabimus paritatem et consequentiam in Atomistarum senten-tia? Sed haec alterius sunt loci; tenemus autem interea tamquam verum, qualitates, que sensibiles dicuntur, esse aliiquid distinctum a motu, quod a sensibus apprehenditur, et in sensatione tamquam in imagine reluet (1).

Objic. 3.^o De objectiva realitate nihil potest intellectus certo cognoscere ex sensuum testimonio. Nam idem objectum diversimode afficit diversa animalia, ut quod homini placet, alia refugiant. Immo inter homines ipsos magnam in hoc cernere est varietatem: sic in cibis v. g. et in aliis bene multis, quod uni arridet, alteri displicet.

Resp. neg. assert.

Ad primam probat. *dist.* Et haec diversitas contingit in sensatione *subjective* spectata, *conc.*; in sensatione objective spectata, *neg.*

Ad secundum simili esto responsio.

Videlicet mirum non est, si eadem ipsa res diversam gignat affectionem jucundam vel ingratam in diversis subje-ctis pro natura ipsorum, inclinationibus, educatione, habitu-dine ac dispositione. Quoties videmus unum eundemque colorem vel opus arte factum rite et eodem modo percipi a

(1) Cfr. cl. P. Matt. Liberatore, *Instit. Philos.*, Logic. Pars alt., n. 43, objic. IV edit. 1881., pag. 128.

pluribus in sua objectiva realitate, quamquam non æque omnibus placet? unde varietas gustuum ac judiciorum tota pendere ex varia impressione subjectiva, quam perceptio ejusdem rei in subjectis diversimode dispositis efficiat, dicenda est.

Objic. 4.^o Sensationes non sunt nisi modificationes subjecti sentientis. Atqui modificationes ejusmodi nihil valent ad manifestandum ea, quæ extra ipsum subjectum fiunt. Ergo sensus nequeunt vera referre circa propria etiam sensibilia.

Resp. *dist.* Major. Sunt pura modificationes subjectivæ, neg.; sunt modificationes objectivæ ac relativæ, tales nempe, quæ dum sensibus inherent, aliquid aliud repræsentant, ac subjecto ipsi demonstrant, conc.

Et *Contradist.* Min., neg. conseq. Hæc partim nota sunt ex dictis, partim uberior declarabuntur in Psychologia, ubi discriben exponendum est, quod inter cognitionem et reliquas actiones intercedit.

Instabis. Quamvis imaginari nequeamus corpus, quod extensione aut figura careat, possumus tamen mente præscindere in corporibus a colore, sapore, odore etc. Ergo ista qualitates non insunt corporibus, sed subjecto ipsi sentienti, nec aliud sunt, quam mere modificationes ejusdem.

Resp. neg. conseq. Ex eo enim solum, quod possumus unum ab alio mente præscindere, perperam negatur unum esse in alio, vel cum alio, vel unum esse idem pro rorsus quam aliud, quod attinet ipsam physicam rei tititatem.

Objic. 5.^o Si sensus veraciter propria sensibilia referrent, nullo negotio natura et ratio qualitatum sensibilium explicaretur. Atqui id difficillimum est explicatu. Ergo.

Resp. neg. Major. Difficultas enim explicandi naturam intimam sensibilium qualitatum non probat infidelem sensuum relationem, sed ingenii nostri dumtaxat imbecillitatem.

Objic. 6.^o Sensus quandoque non referunt propria objecta, ut si quis cubiculum ingrediantur certis odoribus suffitum aut calidum, initio quidem percipit odores et calorem, at elapsu aliquo tempore non amplius illos sentit. Ergo fidendum non est sensibus.

Similiter non referunt calorem, vitam, aliaque.

Resp. neg. conseq. Ex eo quod sensus certa objecta non referant, non sequitur illos falli, mendax quippe non est, qui

tacet. Ratio vero, cur sensus in adductis exemplis non referunt objecta sua, est quia organa illorum non amplius excitantur et patiuntur impressionem ab objectis ex assuetudine; ab assuetis enim non fit passio, ut fert effatum. Cum ergo necessaria sit ad sentiendum impressio ab objecto proveniens et in organo recepta, species nimurum sensibilis; ea deficiente, deest quoque sensatio. Et idem die de aliis exemplis in objectione adductis, nam phænomena citata ideo non referunt, quia in communi et ordinario statu nullam excitant immutacionem in organismo, ideoque non sentiuntur. Si vero non sentiuntur, referri a conscientia nequeunt. Cæterum pressio aeris sentitur interdum, et advertitur a conscientia, quando nimurum abrumpit æquilibrium inter aerem circumstantem ac fluida intra corpus existentia: et similiter circulatio sanguinis et vitalis calor, cum alterationem patiuntur in suo cursu ordinario.

Alias objectiones solvemus, cum Idealismus erit confundandus.

§ III.—CONTRA VERACITATEM CONSCIENTIÆ SENsusQUE INTERNI.

117. Objic. 1.^o Cui crus vel brachium amputatum est, is sæpe dolorem in crure vel brachio persentiscit. Atqui in hoc evidenter decipitur. Ergo.

Resp. *dist.* Major.; dolorem revera persentiscit in crure vel brachio, neg.; arbitratur ibi persentiscere ob illusionem imaginationis, conc.

Dolor enim ille sentitur in extremitate nervorum, qui in crus vel brachium protendebantur. «Sed imaginatio supplet partem amputatam, et infirmus propter præviam habitudinem et novitatem status, in quo versatur, ad erroneum judicium adducitur. Idque eo facilius intervenit, quod sensus doloris interni per se valde confusus est, et non bene determinatus quoad limites loci, quibus adstringitur» (1). Quæcumque igitur deceptio in objecto casu eveniat, ad conscientiam minime spectat.

Objic. 2.^o Amentes ac somniantes multas experientur sensationes, quas non habent. Præterea credunt se esse, quod non sunt, et agere ac pati, quæ non agunt nec patiuntur. Ergo.

(1) Liberatore, *Instit. Philos.*, Logic. Pars altera, cap. 2, art. 2, n. 49, objic. III.

Resp. ad primum, *dist.*; experuntur sensations, quas non habent, eo modo quo experuntur, *neg.*; quas non habent eo modo, quo judicant, *conc.*

Ad alterum *distingu*: et non habent illam persuasionem intimam, qua revera credunt se esse, quod non sunt, vel agere aut pati, quae nec agunt nec patiuntur, *neg.*; falso judicant, cum ita credunt, *conc.*

Videlicet in amentibus ac dormientibus deceptio non est, in experiendo internam illam affectionem rerum, quas ex perturbata imaginatione veras arbitrantur. Licit enim falsa sint ejusmodi persuasiones, verum tamen est illas existere in mente amentium dormientiumque. Atqui judicia illa et persuasiones falsa non spectant ad conscientiam, sed solum experientia illarum. Ergo error non est conscientiae, sed rationis dumtaxat, quae ludibriis imaginationis adducitur ad plura communisca figura, non minus ridicula saepe quam falsa (1).

Objic. 3.^o Sæpe dubitamus de affectione, quam habemus, num sit hæc vel illa, quin possimus discernere illam. Immo dubitamus de ipsa etiam existentia in nobis aliquius affectionis. Ergo fidele atque indubium non est conscientiae testimonium.

Resp. *dist.* ant. quoad 1.^{am} partem; dubitamus de natura vel qualitate affectionis, *trans.*; de ipsa ejus actuali praesentia, *neg.*

Ad 2.^{am} pariter *disting*; dubitamus de existentia præterita, quæ spectat ad memoriam, non ad conscientiam, *trans.*; de existentia his et nunc praesentis affectionis, *neg.*

§ IV.—CONTRA VERACITATEM INTELLIGENTIAE AC RATIONIS.

118. Objic. 1.^o Multi erronea docent contra ipsa principia scientiarum per se evidencia, ut illi qui negant, aut in

(1) Quare verissime scripsit Jacobus Balmesius: «El sueño y la vigilia, la demencia y la cordura son indiferentes para el testimonio de la conciencia: el error puede estar en el objeto, mas no en el fenómeno interno. El loco que cree contar numerosas telegas, no las cuenta ciertamente, y en esto se engaña; pero tiene en su espíritu la conciencia de que lo hace, y en esto es infalible. El que sueña haber caido en manos de ladrones, se engaña en lo tocante al objeto externo, mas no en lo perteneciente al acto mismo con que lo cree». (*Filos. fundam.*, lib. 1, cap. 15, n. 148).

dubium vocant corporum existentiam, principium causalitatis, immo et ipsum contradictionis principium, quemadmodum fecit ex veteribus philosophis Heraclitus, et recentioribus temporibus Hegel. Atqui hæc omnia spectant ad objectum intelligentiae proprium. Ergo...

Resp. Ore docent talia, vel etiam forte opinantur insigni quadam temeritate, vel quia ex præjudicio vel ex prava educatione mentisque præcipitantly, ipsam terminorum vim ac significacionem non satis percipiunt, *trans.* Si vim terminorum probe norint, *neg.*

Ut enim bene notavit cum Aristotele Angelicus (1), *non est necessarium, quod quidquid aliquis dicit, hoc mente suscipiat, vel opinetur*. Quod si quis sincere persuasum habeat id, quod ore pronuntiat, contra evidentissima hujusmodi principia, ideo est, quia terminos perperam intelligit. Etenim *proprium... est borum principiorum, quod non solum necesse est, ea per se vera esse, sed etiam necesse est videri, quod sint per se vera*. Nullus enim potest per se opinari contraria eorum (2), ut scribit Angelicus. Nam certe, *nihil est adeo verum, quin voce possit negari. Nam et hoc principium notissimum, quod non contingat idem esse et non esse, quidam ore negaverunt. Quandam vero adeo vera sunt, quod corrum opposita intellectu capi non possunt* (3).

Objic. 2.^o Qui iterum iterumque fallitur, mendax est, et fidem non meretur. Atqui talis est ratio. Ergo...

Resp. *disting.* Major.; si fallitur per se atque ex virtute intrinseco, *conc.*; si per accidens, *subdist.*; non meretur fidem in eo genere rerum iisque adjunctis, in quibus numquam solet falli, *neg.*; in aliis, *trans.*

Et *contradist.* Minor.; *neg.* conseq.

Objic. 3.^o Ratio in errorem plurimos semper induxit, absurdia omnis generis ratiocinando invenit ac tutata est, veritatesque certissimas non raro impugnavit. Ergo fidendum ipsi non est.

(1) Lib. 4.^o *Metaph.*, lect. 6, paragr. c.

(2) S. Thom., Lib. 1.^o *Posterior. analyticor.*, lect. 19, statim post initium.

(3) S. Thom., ibidem paulo inferius.